

AKHBAR : BERITA HARIAN

MUKA SURAT : 4

RUANGAN : NASIONAL

20 klinik baharu, hospital akan dibina

Ipoh: Dua puluh klinik baharu dan sebuah hospital akan dibina berdasarkan peruntukan Belanjawan 2020 kepada Kementerian Kesihatan, kata Menterinya, Datuk Seri Dr Dzulkefly Ahmad.

Beliau berkata merujuk kepada pembinaan hospital baharu, RM1.17 bilion diperuntukkan bagi naik taraf kemudahan hospital, manakala RM416.1 juta membabitkan pembinaan hospital baharu iaitu Hospital Kampar selain projek pembinaan hospital yang sedang berjalan.

Sejumlah RM95 juta turut di-peruntukan untuk pengubahsuaian infrastruktur dan kemudahan perubatan hospital sedia ada.

Beliau berkata demikian pada sidang media selepas melancarkan edaran pelekat nota larangan merokok di premis perniagaan peringkat Perak sempena Kempen #AyahJanganMerokok Peringkat Kebangsaan di Rumah Kutai Anjung Beranda, Labu Sayong Signature, Meru Raya, di sini, semalam.

Turut hadir, Pengerusi Jawatankuasa Kesihatan, Hal Ehwal Pengguna, Integrasi Nasional dan Sumber Manusia negeri, A Sivanesan.

Dzulkefly turut menegaskan kementeriannya komited dalam mengukuhkan perkhidmatan klinik kesihatan di seluruh negara dalam aspek menjaga kebaikan terbaik kepada rakyat.

"Mana-mana klinik kesihatan yang memerlukan dana dan baik pulih naik taraf, kita akan beri keutamaan," katanya.

Sementara itu, Sivanesan berkata Hospital Kampar yang baharu akan dibina bagi menggantikan hospital sedia ada untuk memberi manfaat kepada penduduk.

Hospital sedia ada mempunyai kira-kira 80 katil.

"Hospital sedia ada bukan jenis hospital pakar. Kita mengharapkan hospital baharu akan menjadi hospital pakar sepenuhnya," katanya.

Kerajaan memperuntukkan RM30.6 bilion dalam Belanjawan 2020 bagi memastikan rakyat memperoleh akses penjagaan kesihatan berkualiti untuk semua selaras dengan aspirasi masyarakat yang inklusif.

 Mana-mana klinik kesihatan yang memerlukan dana dan baik pulih naik taraf, kita akan beri keutamaan.

Dr Dzulkefly Ahmad,
Menteri Kesihatan

AKHBAR : SINAR HARIAN
 MUKA SURAT : 10
 RUANGAN : NASIONAL

16 cedera belon helium meletup

Gara-gara
 potong tali
 pengikat belon
 dengan
 pemetik api

MUHAMMAD AFHAM
 RAMLI

PUTRAJAYA

Seramai 16 orang termasuk sembilan kanak-kanak melecur apabila belon helium yang digunakan untuk pelancaran Program Kecergasan Kementerian Pendidikan sempena Bulan Sukan Negara 2019 di Dataran Putrajaya dari sini meletup semalam.

Ketua Polis Daerah Putrajaya, Asisten Komisioner Rosly Hassan berkata, kejadian pada jam 11.34 pagi itu menyebabkan mangsa berusia empat tahun hingga 30-an cedera dan melecur.



Wan Azizah melawat mangsa kejadian letupan belon helium di Hospital Putrajaya semalam.

"Siasatan awal mendapati, kejadian disyaki berpunca semasa tali pengikat belon itu cuba dipotong menggunakan pemetik api.

"Perbuatan itu diperdayai dilakukan oleh orang dewasa susulan penemuan pemetik api di lokasi kejadian," katanya ketika ditemui pemberita di Hospital

Putrajaya di sini semalam. Beliau berkata, usaha mengesan individu terabit bagaimanapun masih dijalankan.

Sementara itu, Menteri Kesihatan, Datuk Seri Dr Dzulkefly Ahmad berkata, 10 mangsa lain sudah dibenarkan pulang kira-kira jam 5 petang semalam.

Menurutnya, enam

mangsa termasuk seorang kanak-kanak perempuan berusia lapan tahun mengalami kesan melecur tahap dua dengan kecederaan kulit menggelupas dan berada dalam keadaan stabil.

"Kita terima maklumat daripada Klinik Kesihatan Presint 18 memaklumkan bahawa pasukan kesihatan kita yang sememangnya



Belon helium (dalam bulatan) yang digunakan pada pelancaran majlis perasmian Program Kecergasan Peringkat Kebangsaan meletup di Dataran Putrajaya tengah hari semalam.

bersiap sedia pada program sebegini membawa mangsa cedera untuk menerima rawatan.

"Enam mangsa yang masih di wad hospital akan terus dipantau susulan trauma dalam kejadian ini selain turut diberi kauniteling."

"Helium dalam belon

tiada masalah. Punca kejadian masih dalam siasatan dan kita serahkan kepada polis," katanya selepas melawat mangsa di sini semalam.

Terdahulu, Timbalan Perdana Menteri, Datuk Seri Wan Azizah Wan Ismail turut meluangkan masa melawat mangsa di Jabatan Kecemasan Hospital Putrajaya.